



ARI POTER

KONT

MANMANGLO

Jou ti bolonm lan rivé atè Matinino nan an kout zéklè, li pa pli konprann an patat adan sa. Tout désandan Kalinago, boyé, kasik ek mapoya paret douvan misié fiap! Péyi a té kon i té yé anvan pies yopen, neg ek konpanyi té piété atè laa. Kifè i fini pa jwenn toti-karèt, zigwann épi mabouya konpè sosié lé moun a ki sa palé tout wanni-wannan tjè lézòm. Omwens ta sa ki ni bay tala nan kof lestonmak yo séré kon ja lò laflibis, an bann moun lapo yo koulè balantanna dévet pou yo sa manjé-y. Tan yan batzel koulibri, kalté zwézo ka voltijé akondi gress flo lenmwod, tan pou jenn bway a baztié viré gadé wè si tèt li pa ka sanfui aladriv lontan lajounen an té za fè kouskouri mété domi pozé-k nan ranmak lilèt la. Alosopoulosdonk davré sa i anni kouché asou sab nwè bodlanmè a, ek i koumansé wonflé kon pwason patat, sanfouté siwè ni betlong, betannipié, fonmi tout koulè épi gwosè modan, zavè tjou touloulou. Lamenm sonmèy chayé van mennen an.



Man té bliyé ba woskop sa ki chous ti blank sala. Jodijou ich krèy lilet étwet nou a konnet jik londjè lalwet timal la pasé metpies nou Zanba, Lapen, Makak épi Tig, taa yo di ich li a pa sa né san zong lan.

Lannuit la té bidjoul. Zétwèl té ka jwé zwèl séré ek lalin, matadò ka chayé sanbourg bakfoul lédjim asou tèt maré li a; atè nan razié bètafè yomenm lan té ka imité yo. Ou sé jik di yonn tou, yo konnet lawonn bélè. Gounouj pou kont li sé nan kò tibwa djol i té ka gadé pou wè klè.



Pabò minui, sonmèy tiboug a koupé bo, pawapò on grenn galba on machuit chapé nan djol machuit. An menm balan an, i santi yan lanmen dous konkidiré vlou ka menyen bout pié-y. I wouvè an zié. Do mandolin lanmè a té ka kléré kon an glas. I wouvè lot. Déwò a té ni klèté kon sa ka ékri. Kifèwè lamenn lan i gadé pou sav sa ki madam li menyen lapo pié-y pli dous pasé an plim toutrel pakoté Langlitè, péyi dèyè dlo.



An vérité, sa té an fanm toulbon vré! Pa an model popot lacho sanpalé, han! Mé tala ki ni labelté evek lajolivans alé-pou-viré a. Yo ladje an kozé désann. An lè, Ari Potter mandé manmandlo étila chato li séré nan péyi.

—Chato mwen an pa ni p'an lapot. I ouvè gran bann toupatou; lajounen i plen soley, lannuit tou, dèlè konsa lalin la ka vini ba madjaka adan.

—Sé pa an chato sa ankò. Sé yan palé nan siel. Timisié ba-y pou pawol lavantas. Ou ka sanm sa ka rété lakat Met-manyok tousa ki ni a, wou! Annou blag a pa, sérié anmitan: koté ou ka kazé.

—Si man di-w, w'a chapé kon zétwèt filant...

—Mwen tala? Ari yo a, bat fal li. Mwen moun tala. Es ou sa kimoun man yé, i anglézé ba-y. Do you know who I am? Manmandlo pijé zié nan lannuit, i pran pli bel lavwa-y.

—Man pa konnet lang bouch ou, anni ta tjè moun...

Kifè metpies rakontaj ek tijounal frézè dépalé doktè dawa lotbò a, pé bouch fap! I kabéché, kabéché, tranndouz kou, ka chaché kimanniè li mapipi laba a kay pri Layémanj dan an model trap pou sa fè-y dépalé. Pawol bouden-y lan ki té two long. Fanm gran lannuit la di:

—Pou péyé konparézon-w, annou man ka montré sa ou lé wè a.





—Man pa'a
wè ayen!
Étila ou lé
mwen alé a?

Konpè Ari Potter
kanpé doubout
fiap. Tout tikté
kodenn fidji li té
akondi klendé
label. Lamenm
tou, sa ki voplé
nan fènwè a
konsidiré sa té an dra plen
lanmidon ouben luiloud.

—Man pa'a wè ayen! Étila ou lé

mwen alé a?

—Man ka tjébé lanmen-w, chéri a, pa fè kapon kon ravet la!

Konsa i mennen metpies soti la i soti a nan djol lanmè karayib la.
Lèwè tibay santi lang fret dlo a ka liché tout zotèy li ek lantou plat
pié-y. i soté, i bat dèyè kon kribich, fiap. Manmanglo pa atann, i
djouboum lakay li, viré monté bo, épi i pété on koko ri atè.

—Ou mapipi dapré-w, i ! ou pa té dwé ritjilé, isalé! Han! Man té kay
fè-w éti kanmarad lafanmi-w pèdi ta yo a. Sé
pa chen fanm, zot chef fanm, an! Épi
disparet anni pran-y nan lannuit la.

Ou mapipi dapré-w,
i ! ou pa té dwé
ritjilé, isalé! Han!
Man té kay fè-w wè
éti kanmarad
lafanmi-w pèdi ta
yo a.

